





Sit: 150.

~~C7833~~

Ud 5240

Handwritten notes and a small table-like structure in the center of the left page.




Barok. Ud 5240 (1-6)











4

PANEGYRICUS  
In. Laudem  
Magni Polonorum ac Svecorum  
REGIS  
VLADISLAI IV.

Pii, Felicis, Inclyti,  
Victoris ac Triumphatoris,  
semper Augusti.

Scriptus

ab

HEINRICO á Boemelln.

Sub initio

Anni

M. DC. XXXV.





**P**Atere, Fortissime Regum, inter lætantis Sarmatiæ, congratulantis Orbis voluptatem, humillimam mentem in Tua Regis Fortunâ suas relegere delicias. Cui quamvis capiendæ non sit, negligere tamen officioso stupore impos. Vota mundi, maximè Tuorum, meumq;, in Felicissima Coronæ Tuæ auspicia emissa, ita ceciderunt, ut ambiguum sit, Tuæ Felicitati ab ipsis quid adjectum fuerit, an illa Fortunæ Tuæ successum debeant. Comitari te armis, quibus non dabant momenta Rerum, Voti volumus obsequio firmare Tuos gressus, Patriæ Salutis anxios. Nunc Tibi Triumphanti fractum armis Septentrionem, perculsum Tuâ Famâ atq; Adventu Orientem, utrumq; ex voto victum, mens exosa silentium redundantis lætitiæ affectum fundit, occurritque gratulabunda. Nescia mediusfidius principium dicendi occupare in amplitudine Tuarum Laudum. Quicquid enim in oculis Gentium gessisti, Triumphus fuit. Regnare Tuum, Triumphare, imò vivere, vincere. Non enim Tuorum gloria Facinorum sub Diademate nata est. Et ineptiarum apud alios Anni, maturum Te aptumq; immortalibus Factis habuerunt. Florem ætatis animiq; Divus Parens providâ mente Tuæque olim sortis prælagâ ab Aula in Campum duxit, vel quod sine te vincere nollet, vel ut tecum facilius vinceret, vel etiam, ut Exemplo Suo vincere Te doceret. Ibi  
B Tua



Tua simul Virtus Felicitasque, & Fatorum occulta intentio emicuit. Coelum subiisti ipsi Naturæ grave tenero corpore, ut Patris vestigia gloriamque tempestivè legeres. Aspera loca subegisti indefessis passibus & armis, quò Tyrocinium poneret Tuæ Virtutis. Cui Gens barbarie potens, nec mitior suo Cœlo concedere cōacta, & ad ingentia dispendia colla sua subdere. Redibas Famā auctior gratioque Patriæ, quam diversa hætenus vota, spes metusque angebant. Ab incunabulis enim mox Tuis ceu rivulo Jagellonii sanguinis exundantem Felicitatem sibi promiserat. Commodatos Spiritus, memores beneficii in Patriæ decus propensuros. Corpore jam animi magnitudinem capiente, dum spem exequabar, creabas metum. Ut quod usque speraverat fidenter, timidè admitteret. Nimirum vero metu, ne Tecum periret, à cuius salute derivare suam capisset. Jam ista gaudia Regiā mente repete, quibus Te Reducem salvumque à Patriæ Tuoque periculo Cives receperunt. Non puto dies omnes oblitteraturos, unius diei tripudia, quæ Victori Tibi obvia, omnem Poloniam commoverunt, Tua magis exultantem Salute, quam Victoriā. A te enim aberrare non posse Victoriā indubium erat, dum Tu modò à vero Tui Patriæque Amore non aberrares in falsam periculosa Fortitudinis speciem. Novi Honoris accrementum augebat immensum affectum. Princeps enim merueras Ducis nomen, ut insanos Moscos duceres, ad humanitatis fideique officia, quæ usque fugissent. Suo jam Barbari exemplo, Civium animos flectebant ad Tui Reverentiam, ne Te olim sequi, tæderet. Hætenus & Tu Patrem sequutus ad inusitatum Tibi experimentum

tum Armorum, ut præire aliquando scires. Neque hic satis initia Tuæ Juventuti Fata, tulere moram. Hostem dirum purioris Orbis, Patriæ destinarunt, Adolescentis Tuæ Virtutis novum Pensum. Ut Divo Patri profectum probares, Civibus affectum, Tu quoque properanter in vim processisti. Dolus, immanitas, Furor teterrimi Hostis, cita arma & quæ Patris præverterent, poscebant. Cœlo egregiè provido, ut vicem officii Patri redderes, & ira Orientis in Tua Filii felicitate prius periret, quam conspectu magni Patris percelleretur. Verus tunc, quia Solus, Victor cluebas, Patre non ægrè Famam Tibi attriti Hostis confectique Belli cedente. Quò vel sic Filiale obsequium pensaret, accenderetque ad maiora spontè currentem Indolem. Noverat Divinus Senex compendio ire gloriam per Filium in Patrem; seq; gloriosum & felicissimum ducebat, Te Filio pro ipso pugnare gnaro & vincere. Patria vero ingenti discrimine & quod Orbem urgebat in præcipitia, levata, Beneficium Tuum profitebatur, quod nec debere sufficebat. Etenim Sol verè Oriens ei splendebas ab Oriente, ubi non vanè metuerat sibi noctem ac perpetuas tenebras parari. Quas inferri Tua Virtus atque ardor pro Patre & Patriā cernendi prohibuit. Referebas Tuo regressu obscuræ Lucem, exanimi calorem, vice pie inversā, ut Tua Nutrix per te servaretur. Incapax tantæ Felicitatis, qua gratatorem Orbis retuderat; Neque se meritam sic amari rata, ut tuis periculis salva esset. Obvium te ferendo Osmano Cede bachanti in Cives, magis eam amasti, quam voluit. Tenebam Tuam ætatem, oblitam sui in adultam Barbarorum ferociam, omnem Fortunam, Spes omnes frustra profundere, Tua alacritate, & vi Hostium consternata innuebat. Etenim in istam immitium Populorum molem, ultra Maria & ipsos solis excitam terminos, neminem videbat posse ire, nisi qui simul paratus esset & perire. A quā sperare Victoriā ti-



mebat, & solum Non Vinci, in Votis habebat ac Victoriæ gloriâ. Majora igitur ipsius spe Votisq; præstitisti, retulisti, paria Tuæ Indoli, cui Nemo Heroum par unquam. Ut Te non immerito in primâ ætate magis mirati simus, quàm illorum aliquis per universam laudatus. Jam Pater, Patria, Hostes, Tuæ documenta mentis hauserant. Nihilq; restabat, quàm ut Fatorum ludibrium Tuæ Virtuti feliciter cederet. Alibi quippe vereri solitorum, ne si summam Fortunam ac Mentem dent homini, DEUM faciant ex Mortali. Multis casibus Juventutem tuam erudire voluerunt, ut eorum Invidiâ superatâ transires in ordinem Deorum. Specie igitur Inclementiæ positâ, invictæ Tuæ Virtuti brabeum, maximo cum Patris & Patriæ placito detulêre. Dabat Tibi Pater Regnandi locum, qui olim pugnandi; ut gloriosè regnares, qui antè fortiter pugnaverâs. Loetâ Patriâ Tuum pensandi felicitate amorem; nec minus promptâ, Patris fatalem nutum exsequi. Quem ideò mortalia censebat reliquisse, ut ad Immortalia Facinora ampliorem Tibi viam panderet. In amplexus sic Tuos, Patre orba & Rectore, fidenter concessit. Haud fallaci spe, quicquid ureret, eâ manu iri sopitum, quæ nunquam cessasset de se mereri benè. Tua illa dextra, erat VLADISLAE, Bellax, & in levamen prona patriæ. Hostibus ad Terrorem usq; nota, ut pendente statu Res ejus infelici scelere turbare mällent, quàm Te Rege, tempore melioris Causæ Fata experiri. Metuebant enim quod Patria à Te sperabat. Ut qui Solo hætenus Affectu pro eâ excubasses, stimulo collati Honoris, de novo Titulo graviora, agendi præcepta caperes. Ipsi igitur suum odium præcociter exserere, pactorum religiones sanctos fines vastare, quasi deserti Regni & VLADISLAE vacui. Remanserat enim Mosco plagarû sensus, nec tam in proclivi fuerat curare vibices Polonæ disciplinæ, quàm iras concitare. Doloris adeoq; acerbitas,

bitas, animû sponte mobilem, levemq; retrò tulit ad malitiam atq; Invidiâ, cujus magis expediret meminisse, quàm Poloni Beneficii. Infelix Natio, & indies miserior, postquam Tuam VLADISLAE, Clementiam ferre non potuit, quàm antè submissè ambivit. Tuis enim & Divi Patris armis severè castigata, in extrema abiisset deliquia, nî Vestram Humanitatē majorē esse, voluissetis ejus perfidiâ. Unde impetrabilis apud Vos erat vindictæ petens moram. Quam ideò duris subditis Mitis Dominus concede bas, quod lenitate mälles stuporem corrigere, quàm asperitate frangere. Sed gratiam quietis mälè quieta perfidia invidiosè in maximos suos motus convertit. Res quippe domi angusta nec sceleri novo sufficiens, exterorum tentare jussit voluntates. Jucundior habebatur Servitus quæ sita, quàm imposita. Invitati populi ambibât littus, Novasq; vias, quibus ad tam liberalem hospitem iretur, aperiebant. Terra, gloriæ messem, Marti præbere Tuo solita, Mercurio pandebatur extraneo. Serere, metere, fodere, venari in Moscovia, hætenus ignotæ Gentis erat occupatio. Ipsi incolæ nihil minus, quàm terram colebant, nihil colligebant magis, quàm odium in Te humanû Dominum & nova perfidiæ pabula. Dabatur enim specioso jugo aliqua merces, ne gratis Avaritiæ mancipium essent, qui ingenuum Virtuti Tuæ obsequiû præstare tergiversabantur. Utq; ea rectè scilicet erogaretur à stupidis possessoribus; & hic suas partes interponebat Advenarum Consilium. Polonos, Gentem felicem militandi adjicientemq; generositati antiquæ nova armorû compendia, indies graviores suis hostibus, non posse aliter, quàm arte simili eludi. Extranea arma, milites extranei inculcabantur, ut ad extraneos, ipsos Consultores, rediret, hospitis stulti atq; ignavi lucrum. Sperabat pecus Arcadicû, Leoninam pellem sibi ingenti fore subsidio, quippe quæ si non in exitium populi invicti, terrorem tamen valeret, Inde



multorū Annorū adolevêre apparatus, quasi Mars ipse exulatum in Moscoviam abiisset. Nihilominus arti suæ diffusus Moscus, q̄ non benè didicerat, adq; suos cōversus mores, minus in rem suam duxit, protrahere impetum in id tempus, q̄ Polonos armaret. Circū venire igitur voluit, specie præveniendi, quibus metū infestorū Armorū ipsa Fides demebat. Excessus SIGISMUNDI Patris Tui maturo sceleri subdidit stimulos, q̄ vigilans ejus Majestas feliciter usq; morata fuerat. Quasi impuniūs in viduā Remp. peccaretur; ubi procerum animi, creandi Novi Regis studiis in partes distraherentur, incuriamq; externi periculi. Sed cæcū animi Barbarū, Patriæ & Fatorum concordia p̄ Te VLADISLAE mox confudit. Tu Unus ille eras, qui superiorū & mortaliū omnium suffragiis Patriæ servandæ, domandis hostibus censebaris. Ut Polonarū summa Rerū nullius æmuli invidiā morante vel ambitione, Tibi deferretur. Invidente q̄vis Orbe Sarmatiæ monumentū Libertatis, Liberas voces, & Te Regem, qui Polonorum Regum gloriā sic excipiebas, ut teneres, augeres. Documento in omnes ætates, Reges Polonos regere Remp. non perdere. Insignia enim & à Libero cōcessa populo Majestas, Regibus familiare fascinum, optimos quosq; solitum mancipare, Tuam Virtutem ampliter instruebant. Solā olim solitudine laborantē, cum nolebas Augusti Patris præcipere merita. E cujus Te manu Leges & Arma accepisse extemplo monstrabas, ut illis patriā regeres, his defenderes. Taliter enim affectā invidia dubiū an Benignitas Fatorū Tibi offerebat. Cui sanandæ ut quantū industriæ molestæ impenderes, tantū Tuo nomini adjiceres gloriæ. Regni Interregno moti fluctus cōpescere primum Tibi erat, & internis Patriæ mederi vitiis, ne magis Resp. labasceret suo morbo, q̄ insidiis Hostiū. Inter hæc veterum Regum Patrisq; immortalis imitamenta, remotorū Civium querelæ ac pericula Te evocabant. Ad aleam Martis,

quam

quam jam tūm usurpare perfidus ac rebellis Septentrio occupaverat. Quanquam Tibi Miti Principi & Bellignaro Calamitatū, minus volupe erat Regnandi initia tumultibus deformare. Mille Belli casus atq; incommoda, quæ citius corruptissimis his moribus sentiuntur, quàm dicuntur, librabas altā mente. Quocunq; Fortunā, non sine vasticie, & malorū cumulo inclinare. Conscientia tamen Nominis, subditorumq; angustia vicerunt. Et illorū Civium regenda Fides erat, qui improvisos, hostis, ruptoris Foederū, insultus solā eludebant Constantiā. Cui suppetias ferre Exemplum, Res nostra tempestate in utramq; partem validissima cogebat. Alioquin neminem Fide bellū, suo malo, protracturum, qui alios spe subsidiorum vanā, perire miserius, vidisset. Ne igitur Pacis Amor in otii transiret infamiā, Tuus Liberator ille Patriæ animus Parendum Necessitati duxit. Potissimum, spondentibus maximis Oraculis successum Pristinæ Tuæ Virtuti. Perfidiā Hostis quamvis, suā opinione, Felix, ob spem minus paratum Smolenscum subigendi primo impetu. Infelicissimus tamen stultā perfidiā neq; attentā satis, Polonā Curā Moscā ibi indolem probè esse emuscatam. Procebat ad Muros Urbis, veri obsequio Domini validioris quàm præsidio. Nequicquā ferox in lapides, vanis in animos Civiū tentamentis. Adjiciebat minas prolixumq; obsidiū, pignus gravioris excidii. Tibi Soli VLADISLAE Perfidia Mosci felicitati fuit. Ut olim in improbi populi tergis gloriosa Juventutis præludia absolveres, Victorq; abires à doloso mancipiorū regimine in multā spem Patriæ. Regia verò Tua Arma sub Bono omine certissimæ in perfidos Victoriæ moveres, referresq; victricia. Non enim meliorem sibi sortem promittere Moscus poterat, quam communem omnium Rebellium, pereundi. Nec Tu sequiorem rerum sentire fluxum, quam Officii Tui Jurisq; merebatur Sanctitas. Rex ibas Supremæ Legis monelā

D 2      Regno



Regno periclitanti opitulus; Dominus, novo furore æstuan-  
tes rebelles sedaturus, quos vindictæ intercapedo frustra  
melioris mentis monuisset. Grandire voluisti gradus per  
spatiosa Terrarum intervalla, quò properè faceres, quod  
prosperè posse Te, videbas. Venisti, vidisti Hostem, qui post  
scelus, extremam Ducatus Tui molem contra Te excive-  
rat. Numero Tuam Virtutem turbatum iri ratus, quasi  
ille diutiùs perire posset, quàm Tu vincere. Vincere autem  
Hostem differebas gloriose, ut Tuis parceres. Unum cupi-  
dior servare Civem & Polonum, quàm mille perduelles,  
Moscosq; perdere. Non ut supplicium morà tolleres, sed  
per sanguinis melioris parsimoniam, compendiosâ gravitate  
exasperares. Smolenscum Urbem veterem, ultra Centum  
Annos à Moscis suâ Arte ereptam Polonis, Ductu Divi SI-  
GISM. III. Patris Tui, & Tuâ Polonorumq; receptam  
Virtute, inveniebas opere, armis, Hostium Corporibus cir-  
cumseptam. Miserebat Regium pectus vicem Civitatis per-  
petuis nequâ vicini insultibus & Fraudi natæ. Præsens verò  
Fides & Constantia adeò Te inflammabat, ut solam Tuo su-  
dore, militumq; jacturâ dignâ censes. Castra mox ponebas  
in oculis fatigatæ Civitatis, Indicium tuæ Mentis, quod aliàs  
excluebat Borysthenes, & circumfusus hostis. Illa variè  
solicitados animos tunc reficere, nutantem alicubi fidem  
firmare, Constantiæ alacritatem novam adjicere. Ne verò  
mutam spem, timidi otii specie, dubiam redderes, pruden-  
tis tuæ Virtutis fuit Cautio. Munimentis hostem & vallis,  
quibus se induerat, exturbare erat facilius, quam de die flu-  
vium transire. Tam in suas partes Naturam ipsam compege-  
rat meticulosa perfidia! sed illa Tui, præsentis Domini reve-  
rentiâ, noctu tentata, Copiis Tuis officiosum vadum præbu-  
it, ut cæcis tristibusq; præliis, indigni luce perduelles afflicti,  
damna sua & dedecus ad Solē recenserent. Vix part ē Orbis,  
Ur-

Urbem cingentis, demeras, ubi reliquus pavore concussus,  
inq; se revolutus, Militi Tuo locum dedit, Suo Molestus Du-  
ci. Ceperat is ampliorem Castris locum, mente mali prælagâ,  
ne repellere ipse suos cogeretur, quos Tu ejecisses. Tibi au-  
tem, Rex, non sufficebat amicam Urbem periculorum sol-  
visse metu, nî hostem in eundem rejecisses. Docendum cin-  
gendi vices, quò agnosceret, tam in proclivi Tuæ Virtuti esse,  
obsidionem ipsam obsidere, quàm ejus perfidiæ fuerat secu-  
ram Urbem. Jucundò spectaculo, ut me Fides Orbis juvet,  
insano tumentem furore Moscum in angustias agebas, quasi  
venandi Arte latibulo ejus occluso. Infausta hæc Mosco  
quies, & nulla unquam turbulentior. Jam calamitates ab agro  
Polono recedere in Moscoviam, ibi flamma, ibi ferrum graf-  
sari, inde commeatus iis succurrere, qui defensores ejus fame  
& rerū inopiâ enecabant. Satis hoc calebat Balneum, in quo  
Dux Sceleris crassos errores exsudabat, ferociam Barbari  
pectoris ad supplex Tui, veri Domini, obsequiū componens.  
Tyrannus interim, domi tactus damnorum sensu, ut alienis  
viribus, gravitatem impendentis mali discuteret, luem Tur-  
cicam commovit. Incendi se facilè Lunæ Orientales patie-  
bantur, calamitate non melioris focii, occasionisq; commo-  
ditate, reliquo orbi funestam inducendi noctem, ex super-  
stitioso vaticinio. Scythæ Solenne suum in vicinam Rulliam  
servantes, ultricia Tuorū Arma tergis exceperant. Hi vindi-  
ctæ progressu latius delati, prædâ depopulatorib. provincia-  
rum excusserant per ipsos Valachiæ fines. Movendæ Tetri  
Orientis bili satis hoc erat, cū dona juraq; Contributionum,  
perpetuæ servitutis pignora, Moscus offerens, in vacuū quasi  
Regnū barbariem invitaret. Stultâ spe atq; opinione, felicem  
Tuam dextram à Victoriarum cursu revocatum iri in novos  
tumultus. Quasi aliorū more & sorte, præsens tantum vin-  
cere didicisses. Prodibat Abazi-Bassa, homo ad cædes factus  
cum



cum Gentium colluvie. Effeminati Turcæ, Tatarî rapaces, Leves Valachi, in Sacri Regni fines, odia & tela conferebant. Absentia Tua, vires in Moscum exportatæ, Terra accessu facilis, desperatâ animabant audaciam. Sentiebas eminens mente Barbarorum vel amentâ veriùs, Poloniam jam absorptam. Ne Sacrilegæ manus lasciviam explerent, quò corpus non licebat, transtulisti felicitatem atq; Auspicia. Congrediebantur divisi Orbis Vota Fataq; Luna Turcica Cornua sua numerosisq; cohortibus ancillantes stellas, Scythas, completura Orbem suum educebat. Dixisses debellaturam Europæum Coelum, si ad solem non accederet. Polonia is erat & Tua VLADISLAE Fortuna, cui nunquam adversa fuit, quin defecerit. Nunc quoq; rubere docta suo sanguine & conatus stolidi pudore. Sufficere rata Septentrioni, movisse Arma, in ejus Dominum, ut successus turbaret. In Magnis sat erat, voluisse. Verum enim verò Rebellis Infortunio magnû Turca adjiciebat cumulum, suâ promptitudine. Munera, tributa capiendi, ut vires ejus hauriret, in novum Fati sui experimentum impendendas, ne suas prodigeret. Infelici autem operâ, coactam in Smolenscum Moscoviæ medullam, Tibi Regum Felicissimo parabilem reddidit, Moscum ubiq; infeliciorem. Dux Schein domitus jâ Tuis armis, circumspectata diù subsidia desperans, in Clementiâ Tuâ vitæ spem locabat, potentię impar. Victo sibi apud Te salutem superesse certus, gnarusq; scire Te & vincere & victoriâ moderatè exercere. Sic Tua Victoris genua advolutus, signis Militaribus, bellicis instrumentis, toto perfidiæ apparatu relicto, à Te humanissimo Domino, vivendi eundiq; gratiam impetrabat. Ut invisus nuncius cladem damnaq; Tyranno tristi; Rebellibus Domini Fortunam referret. In hostis cedentis vestigia Victrices Tuas Aquilas inferebas, Tui immemor, memor Civium & gloriæ. Neque enim ingentes molestiæ, nec tempestuosum coelum inde-

deficientis Naturæ angulo ardorem illum Tuum obtundebant. Longinqua metu, armis adversa concutiebant, nihilq; Tuæ Virtuti erat invium, & velle, vincere. In quo felicissimo Victoriarum tenore, infelix fato suo perfidia, Tuam appellabat mansuetudinem, ne Fortitudine funditus periret. Nec Tu prudens Felicitatis moderator ab humanitate in extremum rigorem sic abieras, ut non Exemplo tuo probares, omnes illic adesse Virtutes, ubi una sit. Sciebas adversum Hostem fortiter prosternere, sed simul supplicem habere clementer, fortunam reverenter. Ut vel sic Famam recenti Imperio conciliares, & virtutibus Regiis amorem. Itaq; facilis eras in novam veniam, Rebellibus suo se judicio, & poenâ ipsos plectentibus. Nec sollicitis amplius, amissa recuperare, modò Tu ea cum illorum quiete pollideres. Ovans opima spolia & gloriosum debellatæ perfidiæ fructum ferebas in Patriam. Mœstam hæcenus Tuâ magis absentiam, quàm suo periculo. Tum verò suâ exultantem sorte, quàm fausto regressu Triumphans formabas. Mirabatur Orbis Tuam Felicitatem, qui nondum unum Tui Regni Annum superaras, & jam duos hostes. Cæsaris verò tot seculorum encomiis elatam, vilipendio deprimebat, postquam Majoris documentum principium Imperii Tui dedisset. Vicit ille, ubi venit, ubi vidit. Communem hanc cum ipso habes: Tu verò vicisti hostem, quem non vidisti, depulisti cervice Regni, ad quem non venisti. Tuam ille vincentis vim sensit, qui alibi vincebas. Tyrannorum maximum per latus Bassæ fodisti, vulnerasti, repulisti, & quid sperandum esset de Tuâ præsentia, absens ostendisti. Non poteras ex Naturæ ingenio duos hostes immensis distinctos



et os spatiis simul videre, sed ex Felicitatis Tuæ, simul vincere. Supra Naturam Tua Fortuna erat. Sed nec dum supra Invidiam. Fremebundus enim Rerum à Te gestarum Famam, Ignominiamq; elusi sui impetûs admittebat Turca. Novo Marti discrimen tradere intentus, Virtutis & Fortunæ. Nam & ille Captator Gentium, capere non poterat, quod ægrè senferat. Te alibi occupatum suffecisse suis insidiis, quibus maxima pars Orbis cecisset. Ne obscura esset indignatio livorq; Legatum Tuum molestis ambagibus circumductū ita excepit, ut trucibus oculis, sævis gestibus, verbis tumidis, animum in Te non meliorem exprimeret. Taliter ferocientis infantiæ tempestiva parabas remedia. Exercitum victoriis inclytum à Septentrione jubebas ire furori Lunatico obviam. Ipse Generosorum Civium promptitudinem Tuis auspiciis comitabaris & felicitate. Facile enim prævidebas, Turcam pares iræ vires educturum, Non tamen nescius eras, maximū ejus robur, laborare alibi, nec simile domi suppetere. Et quāvis revocaretur, hoc tamen interesse inter Tuum & ejus Militem, quod hic Perficis calens plagis, infelix, vecors, non in spem Victoriæ, sed tardioris exitii metum iturus esset. Tuus verò opulentiā prædæ, facinorum gloriā, jure pro Sancto Orbe pugnandi animosus, in consuetudinem vincendi. Coactis jam copiis potentem minacemq; hostem confundebas cernendi alacritate. Conceperat enim ipse suo More timidam de Te quoq; ignaviā, quam in multis deprehenderat. Quasi in densissimas ejus cohortes, numerosas ex universa barbarie turmas, dextram hæcenus victricem inferre non auderes. Neq; Tu Ser<sup>m</sup> Rex contemnebas Hostem, qui felicissimis latrociniiis occupasset amplissimum Imperium, & quem excludere solum, vincere esset. Paratus pugnare, morā tamen, prælii & quiescendi copiā eum ludebas, pluris Tuorum Sanguinem æstimans, quā qui libidine pugnandi nimīā prodigeretur.


geretur. Non in hostilis mixtionem, sed defensionem patriæ satum; natumq; ut viveret pro Aris & Focis vinceretq;, non temerè periret. Quæ Tua cunctatio tam prosperè cadebat, ut animis, audaces usq; caderent, discerentq; timerè, quem oderant. Accessio mali erat quod momenta firmandæ pacis Tuis veniebant committenda placitis. Quam ita definiebas, ut de finibus hostium litigiosas partes Tuis adjiceres, assereresq; Regno sine sanguine quod multo hæcenus infeliciter quæsitum erat. Servatam enim jam tum videbas Patriam, cū hostem pavore diffluentem. Hostem, qui timidus videri nunquam voluit. Nunc certè maluit, quā ad Tuam Fortunam, omnē suā confringere. Ne verò sola timendi insolentia, insolenti barbaro apud Te temeritatis obtineret gratiam, damnū imperasti Felix Arbiter. Æternum Tuæ gloriæ monumentum, & quod posteros in perpetuum nominis Tui Amorem ac venerationem trahet. Ite nunc pectora Lunatica & VLADISLAI Felicitati invidete, ut eam infelices augeatis! Ite & Fati vestri finitam indulgentiam agnoscite! Jactus minus iterati prosperè, si non monent satis, instruant stuporem signa, quæ latrociniiis præfertis. Meridiantis Ertuculis Patris Osmanis somnium, Lunam esse voluit, quā à Cælo mutuaremini, in aliquem Rerum splendorem. Tenebras quavis Luna noctemq; non tollat, illustrat tamen. Potentiæ vestræ vitia sceleraq; fatale quietis nomen tegit, non purgat. Scilicet ne invitis Diis, in Terris Dii esse videamini. Habetis Imperium, sed cum labe; à Numine, sed irato iis, quorum sedes occupastis, non vobis propitio. Vicissitudinum minis ipsa vos ornamenta Imperii castigant. Luna etiam si plena, Terrā tamen minor est. Vestra ad perpetua Cornua damnata, nunquam hiatum supplebit, nunquā æquabit Orbem. Demitte tandem supercilia Gens DEO hominibusq; invisa; Cristasq; spontè pone, quas subindè emergentes, Polonia refecat. Hic




Hic occidit Cornu Tuum, quoties oritur. Menstruæ paupertatis memor limitem reverere, quem Tibi Fata posuerunt. Tu verò Regum post natos Reges fortissime, Maeste Tuâ Fortunâ, Tuâ Famâ! Et utramq; in æternitatem crescentem firma, supplâta, Tuo illo Animo Recto, Bono, Magno. Secula loquentur ætatis Tuæ miracula. Uniusq; Anni Virtutem sequentes omnes habebunt uberrimam gloriæ segetem. Patria autem Tot Tibi Triumphos debet, quot sensit hostes. Quicquid multarum Gentium cruore rubicundus Oriens, quicquid sceleribus concretus Septentrio, odii, virulentia, calamitatum in omnē Poloniam certatim ingerebant, id Tuâ Dextrâ, Tuâ Majestate, Tuis utrinq; auspiciis retorristi, contrivisti, sustulisti. In ære Tuo est ac æternæ gratitudinis vinculo Smolenscum, quod ex Faucibus Crudelissimi Tyranni eripuisti; Lithvania, quam imminentis periculi gravi metu levasti; Podolia, quam ab hostibus sævissimis liberaisti; Totum Regnum, quod secundissimis successibus propugnasti. **Ereptor, Levator, Liberator, Propugnator** clues, & verè PATER PATRIÆ. Quam olim Q. Fabius Maximus Dictator Cunctando obtinuit Coronam, Tu Festinando meruisti. Graminea ea erat, ipso pretio supra Lauream. Hanc Tibi PATRIÆ SERVATORI conspirantes Civium affectus decernunt, parantq; immortalis gramine. Nunquam otiaturo in gloriosi Tui Nominis, Genii, Fortunæ admiratione ac laudibus. Venerabitur Beata Suo Rege Polonia æternis studiis Tuas Victorias. Sed & æternâ recordiâ Tuorum Felicitatem Armorum infelix Barbaries horrebit.













Left Polon  
6, 1900



